



Universitätsbibliothek Paderborn

Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm
Patrvm Ac Doctorum Placitis Expressa ; In qua, quidquid tum ad fidei
mysteria sanè ac rectè intelligenda, & ab erroribus quibusvis secernenda,
tum ad sacramenta debitè conficienda & ministranda, tum ad actiones
humanas iuxta ...

Complectens ea quæ ad Sacmenta & mores pertinent

Abelly, Louis

Coloniæ Agrippinæ, 1659

Capvt I. De actibus humanis in genere.

urn:nbn:de:hbz:466:1-38979

TRACTATUS SECUNDVS,
DE ACTIBVS HUMANIS

Iuxta diuinæ legis normam dirigendis.

VONIAM gratiarum cœlestium fontes
in Sacramentis, ea potissimum ratione
per Christi merita nobis reclusi sunt, u
earum auxilio excitati, & subnixi, al
prepositum nobis finem, beatitudinem
scilicet æternam perveniamus; nec aliter
(ut docet S. Thomas 1. 2. in pœm q. 6.) quām per actus
aliquos nobis proprios ad illām tendere queamus; cum
demque sit de virtute in virtutem, iuxta prophetum
dictum Psalm. 83. & ascensiones in corde nostro dis
pendat, ut videatur Deus deorum in Sion: idcirco doct
rix Theologiez ordō postulat, ut nunc ipsos humanos
et us consideremus, perspiciamusque, quinam actus
beatitudinem illām æternam consequendam, apti sint &
idonei, & è contraria, quibusnam actibus ab ipsa beatitudi
ne consequenda præpediamur.

CAPVT I.

De actibus humanis in genere.

SECTIO I.

Quis sit actus humanus propriè dictus.

OISERVANDVM est ex S. Thoma 1. 2. q. 1. a. 1. adu
illos, qui ab homine eliciuntur, dupliciter spectan
posse; scilicet in genere naturæ, quoad suam entra
tem practicæ; & in genere moris, quoad libertatem cum

qua ex
tate, v
demeri
verò act
telligati
tandem
fit ab ho
minus à
volunta
S. Docto
propria
mouit si
confide
prout li
Actus
z: de fid
cognosc
duo: re
intrinse
extinse
Secundu
luntas e
ditionis
vis sit na
a princ
non mo
malis ,
non nisi
titur; pr
propri
sum &c.
Porro
teris,
diciti su
tur ab ip
sus ver
& vi alio
qua

qua excentur, & quoad ea qua fundantur in ipsa libertate, ut esse capaces laudis, vel vituperii, meriti vel demeriti: priori modo dicuntur actus hominis, posteriori vero actus humani: unde fit, ut per actum hominis intelligatur actus ille, qui ab homine fit: quoque tandem modo fiat actus vero humanus ille dicatur, qui fit ab homine in quantum homo, seu in quantum est Dominus actuum suorum, quando scilicet per rationem & voluntatem operatur: ac proinde secundum mentem Doctoris & communem theologorum doctrinam, ad propiam actus humani rationem duo requiruntur; primum sit voluntarius, secundo ut sit liber. Illum hic considerabimus prout voluntarius est; de eodem vero prout liber est. in seq. sect. agemus.

Actus igitur voluntarius is est (ut docet S. Damasc. lib. de fide cap. 14) cuius principium est in ipso agente cognoscente: unde sequitur, ad rationem voluntarii duo requiri. Primum est, ut procedat a principio intinseco; si enim quis invitus, ac renitens, ab extinseco moveatur, motus ille non est voluntarius. Secundum est, ut procedat a principio cognoscente voluntas enim non fertur in incognitum: cuius quidem conditionis defectu motus lapidis quo fertur deorsum, quavis sit naturalis, non est tamen voluntarius: quia licet sit a principio intrinseco (propria enim gravitate movetur) non movetur tamen cum cognitione: motus autem animalis, cum ex aliqua cognitione imperfecta procedat, non nisi imperfecte voluntarius, seu potius spontaneus dicitur; proindeque ratio voluntarii solis actibus hominis proprie, & perfecte convenient, & a fortiori actibus Angelorum & ipsis Dei.

Porro ipsis humanarum voluntatis actus duplicitis sunt generis, alii siquidem sunt eliciti, alii imperati. Actus eliciti sunt illi, qui primo & per se excentur, seu eliciuntur ab ipsa voluntate tanquam a proxima potentia. Actus vero imperati excentur imperio ipsis voluntatis, sive alicuius voluntatis precedentis; siue ab ipsa voluntate,

quz

quæ sibi aliquos actus imperat; siue ab aliis potentissimis ipsa voluntate distinctis, quæ per illam ad agendum moventur & applicantur.

Cum autem voluntas (ut communiter docent Theologici cum S. Thoma q. 8, a. 2.) sit tantum vel finis, vel mediorum; tres enumerantur actus illius eliciti circumscriptionem, scilicet volitio, intentio & fruitio; qui actus sunt idem cum amore, desiderio, & gaudio. Gaudium sentitio versatur circa finem obtentum, seu circa bonum presentis; desiderium, seu intentio circa finem obtainendam, seu circa bonum absens; amor & volitio circa finem bonum, abstrahendo ab eius absentia vel praesentia; Quibus ex adverso respondet odium, timor, & tristitia circa malum. Tres item sunt actus voluntatis eliciti circa media; scilicet electio, consensus, & vetus: electione voluntas præfert, & amplectitur unum medium præ aliis; consensus approbat iudicium intellectus circa illud medium; significat potentias ad executionem.

Quarunt Theologi, utrum electio, & intentio sint semper actus inter se realiter distincti; seu an voluntas vel eodem actu possit velle finem & media. Resp. iuxta probabilem intentionem, quæ est etiam S. Doctoris q. 8, a. 4. quod, quamvis hi duo voluntatis actus, ut plurimum inter se distinguantur, ab solute tamen loquendo potest voluntas uno & eodem actu velle finem ac media, si potest intellectus principium & conclusionem eadem actu cognoscere.

Quod vero spectat ad actus imperatos, tot sunt, & non multiplices & varii, quot & quam multipliciter a voluntate, aut aliis potentissimis, ad eiusdem voluntatis imperium exerceri possunt: de quibus omnibus plenius agunt Philosophi in Ethicis; & videri potest S. Doctor q. 8, a. 17.

Ceterum docet idem S. Thomas, omnes actus voluntate humana procedunt, siue elicitos, siue imperatos, esse potentiam suam differentiam ac speciem desumere a fine proximo, quem agens spectat & intendit; hoc in-

ratione seu motivo, quo movetur voluntas ad aliquid appetendum & volendum, & è contra: quod motivum vocatur etiam obiectum formale ipsius voluntatis. Vnde sequitur actus illos, qui habent eundem finem proximū, sed idem obiectum formale, esse eiudem speciei; tametū habeant diversa obiecta materialia: v. g. si quis ieiunet, & eleemosynam largiatur pure ob amorem Dei, utili placeat, ut gloriam illi deferat; ieiuniū illud, & eleemosyna erunt formaliter actus charitatis, quamvis materialiter ad virtutes specie diversas, abstinentiae scilicet & misericordiae, pertineant: & è contrà illos actus distinguuntur specie, qui, licet habeant idem obiectum materia-
le, à motivis specie distinctis oriuntur: e. g. oratio, quæ materialiter considerata est actus virtutis religionis, si fiat ex motivo satisfaciendi Deo pro peccatis, erit actus Pœnitentiæ, si ex motivo alicuius alterius virtutis, ad virtutem illam pertinebit.

SECTIO II.

Quis Actus verè & propriè sit liber.

DICENDVM est, actus humani libertatem in eo consistere, ut eliciatur, vel imperetur à libera voluntate, ut sic; seu quatenus libera est, & liberè operatur, Illa autem voluntas dicitur libera, & liberè operari, quæ nullam in agendo nequæ coactionem, neque necessitatem patitur; sed positis omnibus ad agendum præquisitis, libera semper manet & indifferens, siue quoad exercitium, siue quoad specificationem actus, seu ad agendum, vel non agendum; ad hoc vel illud agendum.

Hæc assertio duas habet partes: in prima dicimus, actu illum liberum esse, quæ elicitur, vel imperatur à libera voluntate: libertas enim propriè & primo ipsi voluntati cōpetit, & ex illa in actum derivatur, quod per se patet.

In secunda parte dicimus, libertatem voluntatis in eo considerare; quod voluntas nullam nequæ coactionem neque

neq; necessitate em patiatur; sed positis omnibus ad agendum prærequisitis, libera manet, & indifferens ad agendum vel non agendum. ad hoc vel illud agendum. Hæc propositio (quæ de fide esse assentit Isam, D. i. delib. 10 arb. art. 2.) probatur i. ex script. Deut. 30. Testes in uno die cœ'um & terram, quod proposuerim uobis vitam & mortem &c. Elige ergo vitam: 2. Reg. 24. Hæc dicit Dominus: Trium datur optio, elige unum quod volueris ex hi.

Probatur 2. ex S. Athanasi. orat. ad Gentes., Anima inquit, cognoscens liberum sui arbitrium, videt se posse utique partibus ad utraque, ad bona, & ad mala. S. Cyrillo Alex. lib. 4. in S. Ioan. Liberum est, inquit, & propriæ electionis minibus in utrumque deflectere, aut in dextram, partem am. sinistram; in virtutem di. o. vel vitium. S. Cypr. epist. 55. Inquit, libertati sua relictus, & in arbitrio propriæ confundebimur ipse vel mortens appetit, vel salutem. Et S. Anselmo priori parte libri de concordia lib. arbiur. cum præficiens Dei & prædestinatione, ubi exprestè dicit. Deum ad minus voluntatem nulla necessitate cogi, aut prohiberi a videntur, vel non volendum. Ibidem fusè explicat, & post necessitatem antecedentem, qua voluntas ad unum quod determinatur, libero arbitrio adversari; docetque voluntatem indifferentem esse ad oppositorum alterum eligendum; quamvis, postquam unum recipia de legit, cessitatem quandam ipsa sibi faciat, quam consequentem vocant Theologi, quæ ex ipsa effectus positione quitur.

Ad faciliorem vero intelligentiam eorum, quæ libertate voluntatis humanae in actibus suis dicta sunt postea dicentur, & sunt hic observanda. Primum enim hoc, ut voluntas libere operetur, requiri præviā ratione advertentiam & deliberationem; id est, ut voluntas plicet intellectum ad considerationem convenientem vel disconvenientem, quæ in quolibet obiecto apparet. creato reperitur; hæc enim consideratio, & determinatio intellectus, quamvis non sit causa libertatis.

quam voluntas humana ex se, & ex innata sibi indifferentia obtinet; est tamen conditio, sine qua voluntas libertate illa in actibus suis uti non posset: per illam enim obiectum proponitur voluntati cum variarum rationum oppositione, & quadam veluti indifferencia: nullum siquidem est obiectum creatum, in quo intellectus humanus varias & oppositas rationes convenientia & inconvenientia non deprehendat: unde proposito sic quovis obiecto creato, voluntas semper manet indifferens ad illud appetendum, vel repudiandum. Quod si advertentia illa, aut deliberatio intellectus secundum quid impediatur, actus à voluntate elicitus, vel imperatus, erit tantum secundum quid liber: si omnino & totaliter impediatur, ut contingere potest ex aliqua vehementi passione, aut distractione, actus ille omni prorsus libertate carebit, proindeque omniratione meriti vel demeriti: quod fusius explicabitur infra, cùm agetur de peccatis.

Secundum est, actum primum intellectus, seu primam cogitationem, quæ in quovis negotio deliberationem & voluntatis imperium præcedit, esse quidem actum hominis: non vero actum humanum, cùm non sit liber, omnis enim actus liber à voluntate debet elici aut imperari: sed primus ille actus intellectus, seu prima cogitatio, non est à voluntate, quæ in incognitum ferri non potest; sed vel ab obiecto aliquo sensibus externis occurrente, vel immediate ab ipso Deo intellectum excitante, interdum etiam ab Angelo bono vel malo species imaginativas commovente, unde tamen non sequitur, hominem ab eiusmodi prima cogitatione determinari, aut necessitari ad aliquid volendum, quando humano modo agit, seu quando advertit se illud velle, licet nullam adhuc rationem inconvenientia deprehendat in obiecto illo quod per primam cogitationem proponitur, potest

enim

etiam tunc illius voluntas ob summum quod obtinet
in se, quam in alias potentias dominium, posita qua
que prævia cogitatione, & quocunque iudicio præ
ipsius intellectus, vel actum suum suspendere, vel int
erum applicare ad considerationem magis attentam
dein obiecti & circumstantiarum eius, & sic cum plen
deliberatione rationis ad illud appetendum, vel
diandum se ipsam determinare.

SECTIO III.

*Vnde namactus humanus bonitatem suam,
vel malitiam desumat.*

Dplex bonitas in quolibet humano actu spectan
test, naturalis scilicet & moralis. Bonitas nat
consistit in integritate, seu aggregatione eorum
nium, que naturaliter ad ipsius actus entitatem requiri
tur: bonitas vero moralis in integritate, seu aggregati
orum omnium, que cuilibet actu humano secun
rectam rationem convenient. Et de hac bonitate mor
quæstio proposita intellige debet; unde scilicet
bonitas, seu rectitudo moralis, vel malitia moralis illi
posita, in quemlibet actum humanum derivetur. Pro
ius resolutione.

Dicendum 1. bonitatem, vel malitiam actus human
illius obiecto desumi. Ita S. Thom. q. 18 a. 2. & con
scriptura: Osee 9. facti sunt abominabiles, sicut ea qua
runt: ex quibus verbis patet, malitiam humanoru
m, ob quam fit homo Deo abominabilis, proveni
ex obiectis malis, quæ diligit, & quibus adharet. Unde
Aug. epist. 52 ad Macedon. dicit quod, Mores nostri
quod unusquisque diligit, diiudicari solent. Et probari que
ea potest inductione: ideo enim velle orare censetur
bonum; quia oratio (quæ est obiectum illius voluntatis)
est ex se moraliter bona; & cetera contraria velle furari est mali
quia furtum (quod est illius obiectum) malum est.

Dicendumz. bonitatem , vel malitiam actus humani de lum i ex illius circumstantiis. Ita S. Thomás : & satis constat ex eo, quod passim in scripturis actiones plurimæ propter circumstantias aliquas bonas , vel malas laudantur, vel vituperantur; ut S. Matth. 6. laudatur eleemosyna, & de bratio facta in abscondito: & S. Luc. 21. commendatur eleemosyna duorum minutorum, & aliis majoribus donis prefertur ob circumstantiam personæ viduæ & pauperrimæ: & ejusdem S. Luc. 16. omissione eleemosynæ ex variis circumstantiis, in persona divitis epulonis culpabilior esse demonstratur.

Verae in assertio hæc facilius intelligi possit, quædam hic observanda sunt. Primum est, circumstantiarum nomine à Theologis significari accidentia quædam actus humani, sic dicta, quod illum veluti circumstent, ipsique jam per obiectum suum in aliqua specie boni , vel malū constituto adveniant.

Secundum est, non omnia, quæ actum humanum circumstant, inter ejus circumstantias numerari: sed ea tantum, quæ ita illum circumstant, ut ad ejus bonitatem aut malitiam aliquid conferant: e.g. nihil interest, an percussio manu dextra, vel sinistra facta fuerit, sed attendi debet, an quis fuste, vel gladio, patrem , an hominem incognitum percusserit.

Tertium est, septem præcipuas actus humani circumstantias à S. Doctore Quæst. 7. 2. 3 numerari, quæ hoc versiculo comprehenduntur;

Quis, quid, ubi, quibus auxiliis, cur, quomodo, quando.

Quis personæ agentis qualitatem designat. *Quid*, objecti conditionem: *ubi*, locum : *Quibus auxiliis*, actionis adjumenta : *Cur*, ejusdem actionis finem : *Quomodo*, magnitudinem seu intentionem affectus, advertentia rationis, &c. *Quando*, tempus quo actio peracta, ejusque actionis durationem. Quæ quidem circumstantiæ non omnes & singulæ simul, sed modò hæ, modò illæ quemlibet actum humanum afficiunt; ad illiusque proinde bondatatem, vel malitiam conferre possunt.

Quartum est, ex supra enumeratis circumstantiis quædam

o

dam

dam augere, vel minuere bonitatem vel malitiam actus intra eamdem speciem, e.g. malum est percutere iniuste quemuis hominem, peius est percutere benefactorem alias vero addere ad hanc bonitatem vel malitiam specie distinctam, e.g. percutere Seccerdotem: in illa enim percussione praeter malitiam, quæ illi propria est, quatenus iustitia repugnat, circumstantia persona faciat percutisse inducit in ipsum actum novam, & specie distinctam faciliter malitiam, & deformitatem.

Dicendum 3. bonitatem, vel malitiam actus humani desumi quoq; ex fine in quem actus dirigitur ab operante. Ita S. Tom. a. 4. & constat ex his Christi Domini verbis S. Matth. 6. attendite ne iustitiam vestram faciatis coram hominibus ut videamini ab eis: alioquin mercedem non habebitis apud Patrem vestrum: quæ verba explicans S. Ambrosius in capit. 1. S. Luc. bona est, inquit, misericordia bona est oratio; sed potest iniuste fieri, si iustitia causa aliquis pauperi largiatur, ut videatur ab hominibus. Et Aug. in ps. 31. Non valde, inquit, attendas quid homo faciat sed quid cum faciat, aspiciat.

Ex his colligitur secundum mentem S. Doctoris de bonitatem, vel malitiam actus humani ex his tribus præsumptim pendere; scilicet ex objecto, circumstantiis, & fine; hac tamen differentia, quod, ut actus aliquis censetur malus, sufficiat quocunque defectus moralis, sive ex parte objecti, sive ex parte finis, aut circumstantiæ alicuius; ut vero bonus sit, requiratur objectum moraliter bonum, finis bonus & honestus, & præterea, ut ejusmodi actus nulla prava circumstantia vitietur: bonum siquidem (ut docet S. Dion. cap. d. divi. nomin.) pendet ex integra causa, malum ex quocunque defectu.

Dicit aliquis, frustra & superflue dici, actum humanum bonitatem vel malitiam desumere ex fine, cum ipse finis inter circumstantias numeretur.

Resp. ideo speciatim considerari bonitatem vel malitiam, quæ ex fine in actum humanum derivatur, quia finis præ aliis circumstantiis hoc habet peculiare, quod non

modò a
speciali,
circumst

Quæ

cessaria,

Relp rel:

tem virtu

liter refe

eum fine

ceatur:

fluere au

moveat

fiat, obse

rantis; fi

illi mor

miserice

opus ull

ut largie

exercere

tantis,

arbitrii

tis facia

nitaten

quod p

tem vir

An

D VP

mi

dum s

habea

talis a

ut à n

modi

modò actuū humanū circumstet; sed etiam in illum speciali, modo influat; habeatque rationem non solum circumstantia, sed etiam causa moralis.

Quare, quānam relatio actus humani in finem sit necessaria, ut ex ipso fine bonitatem, vel malitiam recipiat. Rely relationem illam; esse debere vel actualē, vel saltem virtualē; id est, necessarium esse, ut operans actualiter referat, aut saltem antea retulerit actionem suam in eum finem, ita ut virtute illius relationis actio ab eo exercetur: quia necesse est, ut finis influat in actionem: influere autem non potest, nisi uno ex his duobus modis moveat operantem ad agendum: quod ut clarius adhuc fiat, observandum est, finem alium esse operis, alium operantis; finis operis est ipsiusractioni intrinsecus, ideoque illi moralem essentiam seu speciem tribuit, e.g. ut quis ex misericordia motivo pauperi det eleemosynam, non est opus ulla explicita relatione ad talem finem; sufficit enim ut largiens eleemosynam, cognoscat se misericordiae opus exercere, illudque libere exercere velit. Alter est finis operantis, qui & extrinsecus dicitur, quem ipse operans suo arbitriu sibi præstituit, velut si detur eleemosyna, ut satisfaciat pro peccatis; ad hoc autem, ut ejusmodi finis bonitatem suam auctui communicet, debet in illum influere, quod præstare non potest, nisi operans actualiter, aut saltem virtualiter actionem suam in illum referat.

SECTIO. IV.

An detur aliquis actus indifferens, seu qui nec bonus, nec malus sit.

DIVPLEX questionis proposita sensus esse potest: primum, an detur actus aliquis humanus indifferens secundum speciem; seu qui ex parte objecti sui nec bonitatem habeat, nec malitiam moralem: secundum, an detur etiam talis actus indifferens secundum individuum, id est, qui protinus nobis hic & nunc advertente ratione liberè exercetur,

O. 2

SEL.

nullo ex capite bonus sit, vel malus moraliter. Pro cuius resolutione.

Dicendum 1. dari aliquem actum humanum, qui sit in differens secundum speciem. Ita Thom. q. 18. a. 8. & cum eo communiter omnes Theologi: id etiam expressè docet S. Aug. lib. 2 de serm. Domini in monte cap. 28. ubi explicans illud Domini Matth. 7. *Nolite iudicare, ut non indicmini, & concilians cum aliis eiusdem Christi Domini verbis ibidē A fructibus eorum cognoscetis eos, ait, hoc posterius dictum intelligendum esse de manifestis operibus, quæ non possunt bono animo fieri, cuiusmodi sunt blasphemia, furtū: prius verò de operibus indifferentibus, cuiusmodi est ciborum sumptio, &c. uude hoc modo concludit; Sunt ergo quedam facta media, quæ ignoramus quo animo fiant, quia & bono & malo fieri possunt; de quibus temerarium est indicare, maximè ut condemnemus.*

Dicendum 2. quod quavis probabile sit nullos actus humanos indifferentes in individuo, propter plurimorum Theologorum præterimque S. Doctoris, art. 9. authoritatem, qui eiusmodi dari actus negant; probabilius tamen videiri dari aliquos eiusmodi actus in individuo, qui nec boni sint, nec mali moraliter. Ita S. Bonav. in 2. dist. 41. a. 1. q. 4. & plures alii, quos citat & sequitur Lef. epist. ad S. Aug. quæ est 15. inter Augustinianas, ubi sic loquitur: *Inter utrumque (bonum scilicet & malum) indifferenter est ambulare, naribus capitis purgamenta proiecere, &c. hoc nec bonum nec malum est; sive enim feceris, sive non feceris, non insitiam habebis, ne cinis sitiam.* Item S. Gregor. hom. 27. in Evang. ubi loquens de dilectione proximorum, quæ procedit non ex charitate, sed ex affectu cognitionis & carnis, ex una parte negat talēm dilectionem esse actum virtutis, ex altera vero affirmat malam non esse, nec ei familiaria contradicere: unde sequitur, esse indifferentem cum nec bona nec mala sit.

Probatur præterea ex eo, quod appetitio commode fugia incommodi naturalis non est mala ex obiesto, ut per

se patet
ullam v
appetit
naturali
tens.

Dice
referatu
neatur
num 8x

Respo
in fine
honestat
plurimi
2. ad qu
bonus
luntas
ulterius
referatu

Respo
siones
sint bo
festu ei
tantum
ac proi
Infla

Respo
bonum
nayen
les; qu

Qua
actus a
tuta ,
multa
quenti
bet ,
singula

se patet; neque etiam bona moraliter, cum non pertineat ad ullam virtutem moralem: ergo quando quis simpliciter appetit commodum, aut refugit incommode aliquod naturale, eius actio nec bona mala est, ac proinde indifferens.

Dices, illam appetitionem esse malam, eo quod non referatur in finem aliquem bonum & honestum; cum teneatur homo actiones suas semper in aliquem finem bonum & honestum referre.

Resp. 1. negando teneri hominem ad actiones suas in finem bonum & honestum referendas, ut sint bona & honesta moraliter: quod etiam negant S. Bonaventura & plurimi alii graves authores, quos citat Ilambardus, disp. 7. in l. 2. ad qu. 18. art. 2. asseruntque ad hoc, ut actus humanus sit bonus moraliter, fatis esse, ut eius obiectum in quod voluntas liberè fertur, sit moraliter bonum & honestum; nec ulterius requiri, ut ab operante in bonum aliquem finem referatur.

Resp. 2. quamvis concedatur, teneri hominem ad actiones suas in finem bonum, & honestum referendas, ut sint bona & honesta moraliter; inde tamen non sequi defectu eiusmodi relationis actiones illas esse malas, sed tantum non esse bonas & honestas, quod ultrò fatemur, ac proinde indiferentes.

Instabis, actiones illas fore otiosas, ac proinde mala.

Resp. negando actiones illas, quae in finem moraliter bonum non referuntur, esse otiosas; quia (ut docet S. Bonaventura, supra) possunt ipsi naturae esse necessariae vel utilles; quod sufficit, ut otiosa minime censeantur.

Quamvis autem haec sententia, quae asserit dari posse actus aliquos in individuo indiferentes, probabilis sit & tuta, & etiam in praxi conducere videatur ad evitanda multa peccata, quae secundum oppositam sententiam frequentissime committi possent; hoc tamen obstare non debet, quin unusquisque peculiari studio cure omnes & singulos actus suos in finem aliquem optimum & Deo

O 3 acceptissi

acceptissimum referre , juxta consilium Apostoli 1. Corin. 10. Sive manducatis, sive bibitis, sive aliis quid faciatis omnia in gloriam Dei facite: quod explicans S. Basil. homini sanctam Iulittam martyrem sic loquitur; Accumbens manus, ora; estans panem, largitor gratiam rependo; bibu vinum memento ejus qui illud tibi dedit ad latitiam & infirmitatem solamen, tunicam induis , gratias agito benigno datori; super in calum & siderum palchritudinem intueris , procede Deus, sole eum, qui omnia hac in sapientia condidit , &c.

SECTIO V.

Ptrum ad hoc , ut quis bene operetur , teneatur sequentia conscientia dictamen.

QVONIAM ex hujus questionis recta intelligentia tanquam ex certo aliquo principio, penderet resolutio plurimarum difficultatum ipsius Theologiz monitionis idcirco paulo fusiorem illius explicationem proposimus , eamque majoris facilitatis gratia in aliquot paragraphos distinguemus.

g.

Quid sit conscientia, & quotuplex.

OBSERVANDVM est juxta doctrinam S. Thomae q. 79. a. 12. & 15 hanc esse differentiam inter conscientiam, & synderesim; quod synderesis sit habens naturaliter nobis insitus principiorum practicorum; principia autem practica sunt quædam regulæ universales se notæ, circa directionem actionum humanarum, & c. si *Quædam lumina virtutum* (ut loquitur Aug. lib. 2. de arb. c. 10.) cuiusmodi sunt: *instè esse vivendum: sua cuique reddenda, &c.*

Conscientia autem est actus intellectus quo applicamus cognitionem illam universalem practicam actionis luci singulari, & judicamus hic & nunc aliquid agendum.

tanquam bonum, vel devitandum tanquam malum e.g. ex illo principio universalis; quod malum & peccatum omnem devitandum sit; conscientia hanc deducit conclusio nem: ergo hoc furtum, quod est malum & peccatum, devitandum est. Hinc S. Basilius hom. in principium Prov. dicit in nobis esse *Iudicium quoddam naturale*, quo ab ini-
quia bona facile discernimus.

Hac vero conscientia judicat tum de actionibus pra-
teritis, eas vel accusando tanquam male factas, vel tan-
quam recte factas commendando, juxta illud Apostoli
Rom. 2. *Testimonium reddente ihu conscientia ipsorum.* & in-
ter se invicem cogitationibus ac iusantibus, aut etiam defenden-
tibus: tum de actionibus futuris, dictando (cicet ea quae
agenda sunt, tanquam bona; aut quae omittenda sunt,
tanquam mala: unde idem S. Basil. supra dicit, *intra cordis
arcana Tribunal quoddam esse constitutum, in quo que-
libet agenda velut in trutina, & lance suspenduntur & li-
brantur.*

Sicut autem iudicium illud practicum multipliciter se
habere potest circa actiones particulares, sic etiam à Theo-
logis conscientia multiplex esse dicitur: alia siquidem
est conscientia recta, alia errans, alia scrupulosa, alia
dubia.

Conscientia recta dicitur, quando iudicium practicum
intellectus verum est, ac recte rationi consentaneum:
errans, quando falsum est: scrupulosa, quando inani & fri-
volae ratione suscipitur, aut formidat illuc malum & pec-
catum esse, ubi re vera non est; dubia denique est, cum
neutri parti determinatum assentum præbet, sed inter u-
tramque fluctuat. De singulis breviter agendum est, & vi-
dendum, qua ratione quis obligetur quocumque in ca-
su conscientia dictamen sequi.

§. II.

Quæ sit obligatio conscientiae rectæ.

QUÆSTIONIS sensus est, an semper quis obligatur sequi dictamen conscientiae aliquid recte præ-
cipien-

cipientis, aut prohibentis, seu iudicantis hic & nunc in cumbere obligationem, ad aliquid faciendum vel omitendum. Pro cuius resolutione.

Dicendum est, iudicium & dictamen illud conscientia recta ita obligare hominem, ut delinquit & peccet, illud in operando sequatur. Ratio est, quia conscientia iudicium illud intellectus practici recte aliquid praeparentis aut prohibentis, est proxima regula voluntatis perant, vel moventis alias potentias ad operandum. docet S. Thom. 1.2. q. 17. a. 3. & 9. per illud siquidem iudicium voluntati innotescit, & quasi intimatur bonitas materialis, vel pravitas obiecti, circumstantiarum, & finis: unde sequitur, voluntatem à regula sua deviare, ac proinde peccare, nisi conscientiam recte praepiciente in operando sequatur.

Diximus conscientiam, seu iudicium rationis esse proximam regulam humanæ voluntatis, & operationum. Ius: alia est regula remota, quæ tamen primaria & principalis, nempe lex æterna & divina, seu iudicium illud infallibile, quo Deus ab æterno vidit & determinavit quid in actibus humanis esset bonum aut malum, iudicium aut iniustum; quidve in quoconque casu particulari intendendum esset, aut omittendum: quod quidem iudicium diuinum unicuique hominum innotescit per ipsius rationalis lumen, quod ab illo veluti quidam radius derivatur iuxta illud Psalmista Psal. 4. *Signatum est super nos in uultu tui Domine:* proindeque huic divino iudicio manum iudicium, seu ipsius conscientiae dictamen, etiam sit, debet conformari.

s. III.

Quæ sit obligatio conscientie errantis.

SVPPONIMVS duplēcēt esse ignorantiam, ex qua conscientia provenire potest: alia enim est ignoratio invincibilis, alia invincibilis. Ignoratio invincibilis illa

quæ nulla morali diligentia vinci, aut superari potuit; vel quia nūquā venit in mentē dubitare, & ignoratur; vel, licet in mentem venerit, adhibita tamen sufficienti inquisitione ignorantia illa depelli non potuit, nec proinde debuit; cū nemo ad impossibile obligetur: ignorantia verò vincibilis illa est, quæ adhibita morali aliqua diligentia vinci ac superari potuit, ac proinde debuit. Hac distinctione supposita.

Dicendum primò, conscientiam errantem ex ignorantia invincibili obligare voluntatem ita ut peccet, nisi dicitur illius in operando sequatur. Ita S. Thom. q. 18. a. 5. & probatur ex Apostolo Roman. 14. Scio, & confido in Domino Iesu, quia nūhīl commune per ipsum, nisi ei, qui existi mater quid commune esse, illi commune est: quibus verbis declarat Apostolus, quod per gratiam Christi Domini fideles nullo cibo veluti communī, hoc est immundo, inquinentur; nisi quis existimet escam aliquam, v.g. carnem suillam etiam nunc communem, id est, immundam & vetitam esse: quia tunc ejusmodi esca illi foret illicita propter conscientiam errantem; unde subiungit paulo post, Qui autem discernit, (inter cibos scilicet, existimans aliquos secundum legem Moysis vetitos esse) si mandūlaverit, dannatus est: quia non ex fide, (id est, quia non agit secundum persuasionem, seu dictamen conscientiae) Omne autem, quod non est ex fide, (id est, ut explicat S. Doctor. art. 5. quod fit contra persuasionem, & dictamen conscientiae) peccatum est.

Ratio autem hujus doctrinæ ex eodem S. Doctori est; quia, cū objectum voluntatis, sit bonum vel malum moraliter, prout ab operante tale judicatur; ideo si ex ignorantia invincibili judicet, illud esse malum, quod tamen revera malum non est, voluntas illi adhærendo consentiet in malum, & proinde in peccatum: è contrà verò, si ex eadem ignorantia judicet esse bonum, quod re vera malum est, voluntas illud amplectendo non peccabit; immo poterit benè operari.

Dicendum 2. si error conscientie ex ignorantia vincibili pre-

li procedat, tunc voluntatem neque ad operandum, que ad non operandum obligari, sed ad illum errore deponendum. Ita S. Thom. art. 6. & S. Bonav. in 2. diff. a. 1. quæst. 3. Ac in primis, quod neque ad operandum neque ad non operandum obligetur, constat ex eo, qui utrobius peccaret (ad quod tamen nullus obligatus est.) operando quidem secundum dictamen conscientiae, quia ad malum impellit: nec illius mali ignorantia excusat; quia vincibilis & proinde voluntaria est: non operando vero; quia, si conscientiam illam non deponat, contra illam; quæ qualisunque sit, est semper proxima voluntatis operantis regula, contra quam nullatenus licitum est: unde Apostolus, Gal. 5. Testificor inquit rursum homini circumcidenti se, quoniam debitor est universalis facienda; in quantum scilicet judicat ex conscientia erronea vincibili, Mosaicæ legis observationem efficiariam; unde sequitur, quod ad evitandum peccatum conscientiam illam erroneam deponere teneatur; cum supponimus) id possit vel applicando intellectum plus attentius considerandum in quo se falli suspicatur, vel alicujus & prudentis viri consilium exquirendo; priusque judicium, quod sibi aliqualiter suspectum illius monitis humiliter submittendo.

§. IV.

Quid de conscientia scrupulosa sentendum sit.

PER CONSCIENTIAM scrupulosam nihil aliud intelligimus (ut supra dictum est) nisi dicum quoddam imperfectum ex inanis aliqua & volatione ortum, quo quis suspicatur, vel timerib[us] peccatum, ubi revera non est: ex quo patet iudicium illius falsum esse, & sic conscientiam scrupulosam esse quodam veluti speciem conscientiae errantis; proindeque ipsa conscientia scrupulosa idem dicendum esse, quod conscientia erronea vincibili; scilicet illam esse deponere.

dam; aliis instare periculum peccandi, si quis ea non deposita operetur, vel non operetur secundum dictamen illius.

Vt autem conscientia illa scrupulosa deponatur, attendere quisque debet, qua sit præcipua & magis ordinaria scrupulorum sibi in animo suboriri solitorum causa: in quibusdam enim scrupuli ex ignorantia procedunt; in aliis ex quadam mentis inconstantia & fluctuatione; in aliis ex ipsius cerebri debilitate, vel frigida & timida complexione, aut etiam ex melancholia, seu atræ bilis redundantia: in aliis ex occulta superbia, quæ aliorum iudicio subiici renuit: in aliis ex confortio personarum scrupulorum, aut lectio librorum, in quibus Theologia moralis axiomata quædam rigidiora proponuntur: in aliis denique ex ipsius dæmonis suggestionibus, Deo ob causas æquissimas licet minus notas ita permittente.

Perspecta vero illorum scrupulorum causa & origine, propria & apta remedia adhibenda erunt: & si quidem ex infirmitate aliqua corporis proveniant, ex medici consilio solatia, & subsidia querere oportebit: si ex ignorantia, doctrinam sanam, & rectam opponere convenient: si ex superbia, humilitas erit sectanda, maximè in deponendo proprio iudicio, illudque piis & salutaribus monitis alterius, quantum expedit, submittendo: si ex dæmonis suggestione, animi fluctuatione, & aut alia simili causa oriantur auxilium divinum humili prece postulandum erit: sed præcipuum & saluberrimum contra omnia scrupulorum genera remedium est, confessario, aut alteri cuiuspiam viro pio, prudenti & docto scrupulos illos, statumque animi interiori fideliter, ac sincerè aperire, ejus consilijs humiliter acquiescere, illiusque iudicium, reclamante licet conscientia scrupulosa, quæ nusquam audienda, sed semper deponenda est, constanter sequi. Ita S. Antoninus, Navar. Valent. & alii apud Laym. tract. i. de conscient. cap. 6.

Quod si quis aliquando ita scrupulis urgeatur, ut nec apud se quid factò opus sit statuere, nec adire confessarium,

rium aut à quoquam consilium requirere possit; tunc ipsamet ad scrupulos concipiendos proclivitas sufficiet ratio esse potest, ipsam conscientiam scrupulosam deprendi, & penitus abiciendi: imò persona timorata conscientia, quæ citius mori eligeret, quād data opera disperdere, in his casibus, in quibus cognoscere non potest an peccaverit necne, v.g. an consensum plenum & deliberatum temptationi alicui præbuerit; tutò sibi persuadere potest se non consensisse deliberatè, nec peccatum ullum latem mortale commisisse: cùm fieri non possit, quod consensum illum plenè advertisset, si deliberatè tentauit illi consensisset: secùs verò dicendum de ijs, qui in variis peccata mortalia crebrò incurruunt: illis siquidem non est in scrupulis rigidiorem partem amplecti, seque perireos agnoscere & confiteri, quād sibi pericolose adiunguntur; cum tales ut plurimum ob peccandi assuetudinem peccatorum stimulum vix persentiantur.

§. V.

Quid sit conscientia dubia, & in dubiis quid agendum.

OBSERVANDVM EST, aliud esse dubium juris, id est verò dubium facti. Dubium juris dicitur illud, quod est de obligatione, vel de legitima facultate agentis, aut de legitimo actus valore dividiturque in dubium speculativum & dubium practicum. Dubium speculativum illud est, quo dubitatur de realia utrum licita sit, aut bona sit, valida, aut invalida; v.g. an talis contractus sit licitus, an Matrimonium tali modo contractum sit validum. Dubium practicum est cum in particulari dubitatur, omnia hinc & nunc licet talem contractum inire tali cogitatione consentire.

Dubium vero facti est illud quo ambigitur utrum quid factum sit nec ne; v.g. utrum votum emissum sit, & emissum est, utrum implatum fuerit. His observationibus

Dico

Dicendum 1. aliquid facere , vel omittere cum conscientia practicè dubia, seu cum dubio juris pratico, semper est peccatum. Id constatum ex cap. Dominus de secundis nuptiis ; ubi Lucius 3. summus Pontifex declarat illum, qui post secundum matrimonium bona fide contractum dubitare incipit de morte prioris coniugis, & utrum licet posse secunda coniuge debitum exigere quam diu in illo dubio habet, peccare, si debitum exigatur etiam ex eo quod ex pœnens se deliberatè peccandi periculo peccat. ut docet S. Tho. Quodlib. 8. art. 13. atqui operans cum tali dubio pratico , exponit se periculo peccandi: ergo peccat.

Dicendum 2. non esse peccatum facere aliquid, vel omittere cum dubio speculativo , dummodo practicè judicet operans , hic & nunc tale opus sibi esse licitum, e.g. quamvis subditus speculativè dubitet , an bellum illud, quod à principe suo geritur, sit iustum , tamen in particuli practicè judicare potest licitum sibi esse in tali bello pugnare, quamdiu ipse non constat , quod sit iniustum, ut expresse docet S. Aug. Lib. 22. cont. faust c. 7. nihil enim obstat quin cum dubio speculative simul consistere possit iudicium practicum verum & certum quia iudicij speculativi & practici veritas & certitudo ex diversis principijs & rationibus pendet: alia siquidem sunt rationes, ob quas aliquis de iustitia belli à principe suscepti dubitare potest; alia vero, ob quas iudicare potest licitum sibi esse in tali bello pugnare.

Dicendum 3. in dubiis facti, quoties urget necessitas, in qua de salute animæ agitur, tutiorem partem esse semper eligendam. Id constat ex cap. Si quis autem de pœnitentia quast. 7. & ex cap. Iuveni, de sponsalibus : unde sequitur, quod in collatione Sacramentorum , quæ ad salutem necessaria sunt, quando dubium aliquid emergit, sententia tuior pro salute illius cui conferuntur, amplectenda sit, e.g. si dubitetur, an puer Baptismum suscepit necne, tuior pro illius salute sententia amplecti debet, quæ est Baptismum illi sub conditione esse conferendum ; quod etiam

a tu-

à simili dici debet, quando salus corporalis alicuius pericitatur: tunc enim medicus succurrere tenetur o medicamento, quod tutius esse iudicat; alias graviter peccare si eo posthabito experiendi gratia medicamentum min certum adhiberet.

In aliis vero dubiis, in quibus non est adeò urgens necessitas, neque etiam arcta intercedit obligatio a tutiorem partem amplectendam (præsertim si grave quod incommodum inde sequatur, e.g. qui de natalibus suis dubitat, utrum legitimus sit an illegitimus) non netur semper sequipartem rigidiorem, & tutiorem sed m iorem & benigniorem, dummodo probabilis & nostra sit amplecti potest. Ita Navar. cap. 27. numer. 12. Sylv. verbo, *Filiū quæst. 12. ubi Panorm. & alios Doctorū ciat.*

Dicendum 4. in dubio meliorem semper esse conditionem possidentis. Ita habetur regula 65. in 6. ex quo sequitur quod, si quis dubitare incipiat, utrum res quam hactenus bona fide possedit, sua sit vel aliena, nec dissipati inquisitione adhibita id cognoscere possit, tunc illibet rato potest retinere Ita Iohann. Med. quæst. 17. de refutatione, Sylv. verbo, *Præscripitio*, num. 3. ubi citat Glossam & Panormit. qui hanc sententiam dicit esse communem.

Dicendum 5. in dubio factum non præsumi, sed demotstrari debere. Ita Sot. Suar. Azor, & plures alijs, quos cit & sequitur Laym. tract. 1. de conscientia c. 5. parag. 3 & colligitur L. In bello. parag. facta. ff. captivis, e.g. in dubio, utrum quis votum emiserit, non debet censere obligatum si autem constet illi de voto emissio, dubitet autem, an illud impleverit, tunc ad illud implendum tenebitur. In præter cit. Doctores Suar. lib. 4. devoto cap. 5. Item dant, an lex aliqua Ita sit vel promulgata; si post diligenter inquisitionem nihil certi deprehendere possit, sed semperque dubius remaneat, tunc præsumere potest non esse si vero post legem latam & promulgatam dubitet.

an sit revocata, vel usu contrario abrogata tunc præsumptio stat pro lege, proindeque ad illam servandam obligatio est. Ita Lessius in prælect. Theolog. ad q. 19. dub. 10.

Superest una difficultas circa conscientiam dubiam; nimurum quando quis in eas angustias redigitur, ut quidquid faciat, peccatum devitare non posse videatur; & sic dubius, & cunctus apud se est; quid potissimum agere debeat; v. g. interrogatus quis in privata conversatione de peccato occulto alterius sibi cognito, dubitat, quid sibi agendum sit; & verumque peccandi periculum sibi iminere videt: si enim negauerit ab illo commissum esse, aut a se cognitum, mentietur, si vero illud declaraverit, vel alii loquendi modis usus fuerit, unde adstantes veritatem facti coniicere possint, famam proximi laedet. & detractionis peccatum incurret.

Resp. in tali casu, & aliis similibus, si nullum aliud patet effugium neque ullo modo se quis ex eiusmodi angustiis liberare possit, tunc id eligere, & agere debet quod minus malum sibi videtur, & illud agendo conscientiam peccati deponere, quia iuxta regulam iuris, *Ad impossibile nemo potest obligari; quis enim (ut dicit S. Aug. Lib. 2. de lib. arb. c. 13.) Peccat in eo, quod nullo modo caveri potest; Neque refert, vtrum quis se ipsum sua culpa in hanc perplexitatem conjecterit, quia, quidquid sit de præterito, quod in eius potestate amplius non est, cerre ad evitandum nouum peccatum sufficit, vt quis tunc faciat id quod in se est: Nihil enim quouis tempore (ut recte monet Gerson in regulis moralibus part. 2. tract. I.) amplius, ab homine requirit*

*Deus; qui (ut declarat Concil. Trident. sess. 6.
cap. II.) impossibilita non
inbet,*

SEC.

SECTIO VI.

Verum quis in operando possit sequi sententiam probabilem omissa probabiliori.

VÆSTIONIS propositæ resolutio luce[m] major[em] præbebit iis, quæ sup[er]fecta sunt. Nomin[e] aut[em] sententia probabilis intelligimus eam, quæ tum ratione probabili, tum præsertim gravi authoritate nititur, iungimus rationi authoritatem; quia, licet in rebus culativis, quæ ad fidem non pertinent, argumenta ex ratione ducta sufficiant ad sententiam aliquam non nullum probandum, sed etiam demonstrandum; in practicâ tamen & moralibus, in quibus agitur de rectâ divinitatis notitia eiusque observatione, aut transgressione cognoscenda, intellectus humanus sibi ipsi non sufficit, sola ratio humana plerumque caligat, & deficit, ut velipsa experientia teste nimis compertum est. Cùm igit[ur] sententia probabilis talis esse debeat, ut, quamvis certa infallibilis non sit, tunc tamen teneri possit; certè præter argumenta ex ratione ducta, quæ ad eius probabilitatem non parum conferre possunt, gravi aliqua authoritate Doctorum orthodoxorum fulciri debet, ut, si perspicacitate, & acumine ingenii non possumus, saltem demissione & humilitate id, quod rectum & iustum est, assequimur, & à pravo atque iniusto dignoscamus.

Cùm igit[ur] inter sententias probabiles aliquæ probiliores iudicari possint, quæ firmiori aliqua ratione, plurium Doctorum authoritate niantur, quaritur an quando licitum sit, & tutum omissa sententia probabiliter minus probabilem amplecti Pro cuius resolutione.

Dicendum, ex duabus probabilitibus sententiis cunctioriè oppositis, quæ versantur circa actionem aliquæ humanam, utrum ea licita sit, nec ne, potest quis recte probabiliori sequi minus probabilem. Ita Nav. in capitulo 7. dist. 7. deponit, Suar. tom. 5. disp. 40. sect. 1.

¶ of. tom 1 lib. 2 cap. 16. quæst. 2. & 4. Med. in 1. 2. quæst. 19.
¶ 1. 6. dub. penult. lsamb. ad prædict. quæst. 19. disp. 9. art 4.
¶ id constat ex eo, quod sicut non semper tenemur sequi id,
quod est melius, & perfectius; sed sufficit, ut sequamur id
quod est bonum, alias consilia omnia Evangelica essent
in präcepto: sic à pari in opinionibus practicis non tene-
bimus amplecti id, quod est verisimilius seu id quod ma-
iorum habet speciem, sed sufficit, ut amplectamur id, quod
habet speciem veri tatis talem, ob quam possit prudenter
indicare verum præterea ne quideam obligamur ex dua-
bus probalibus sententijs contradictorie oppositis tuti-
orem amplecti, sed illa relicta minus tutam sequi possu-
mus, e.g.s. Bonav. & quidam alij. Doctores asserunt eum,
qui in peccatum mortale lapsus est ad confitendum sta-
tim habita confessoris copia obligari; id negat S. Thom.
In 4. dist. 57. part. 2. art. 2. quæst. 2. in eand. dist. q. 1. a. 3. q. 1.
& plures alij. Iam quis non videt sententiam S. Bonaven-
turae in praxi longe tutiorem, & salubriorem esse, quod
tamen non obstat, quin sententiam S. Thomæ quiuis
licet ac tutò sequi possit ergo à simili, poterit quis sen-
tentia probabiliori relicta, licet ac tutò sequi minus pro-
babilem.

Excipi tamen debet, quando iudex inter partes litigan-
tes latus est sententiam: tunc enim, licet unius causa
probabilis illi videatur si tamen ex allegatis, & probatis
alterius causam probabilem, ae magis iuri conformem
deprehendat, tenebitur illi victorianam litis adiudicare. Ita
Sylv. Sot. & alij, quos citat & sequitur Laym. Tract. 1. de
de cons. cap. 5. lecit. 3. Ratio est, quia index tenetur litigau-
tibus sententiam dicere secundum merita causa: est au-
tem per se notum ex litigantibus illum qui in iudicio
causam suam secundum leges probabilius esse, probavit
potiori iure mereri. Imo vero (ut ibidem recte obseruat) si
causæ litigantium sint æque probables, non est in iudicis
arbitraru possum, ut litis victorianam adiudicet, cui parti
maluerit. iudex si quidem non est Dominus iuris sed in-
terpres proindeque tenetur cuique suum tribuere;
quod

quod non faceret, si duobus æquale jus ad aliquid habebatibus, totum uni tribueret, quia sic personarum acceptio nem committeret contra juris regulam 12. n. 6. ubidetur, *In iudicio personarum acceptioem habendam non iisque in tali casu, vel compositionem aliquam æquum consentaneam litigantibus suadere debet; vel etiam arbitriare potest; vel uni dimidium, alteri dimidium aliuum juris aut rei, de qua lis est, adjudicare.*

CAPVT II.

De Peccatis.

SECTIO I.

Quid sit Peccatum.

QVÆSTIO proposita intelligenda est *de peccato originali, quod aliena culpa committitur, de quo in priori hujus operis parte traxi actum est; sed de peccato actuali, quod propria voluntate incurritur.* Hoc autem peccatum definitur à S. Augustin. Lib. 22. cont. Faust. cap. 27. *Fatum est, vel concupitum, contra legem Dei aeternam, & à S. Thoma 1. 2. q. 7 l. a. 6. dicitur, peccatum commissionis nihil esse, quam actum humanum malum, & à rectari ne devium.*

Quod ut clarius intelligatur, observandum est, ad rationem peccati duo præsertim requiri; nimirum; ut talis actus sit humanus, id est, voluntarius & liber; deinde, ut malus & pravus, id est, ut careat debita commensuratione ad suam regulam: regula autem actus humani proxima est recta hominis ratio; (ut suprà dictum est) remota vero sed principalis ac primaria, est ipsa lex æterna, quæ naturalis rationis lumen cuique manifestatur, dicente postolo Roman. 2. quosvis homines gestare opus habent.